

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17), a u vezi sa članom 8. stav 1. Zakona o lijekovima („Službene novine Federacije Bosne i Hercegovine“, broj: 109/12), na prijedlog Ministra zdravstva Tuzlanskog kantona, Vlada Tuzlanskog kantona na sjednici održanoj dana 23.04.2024. godine, d o n o s i

## O D L U K U

### o Pozitivnoj listi lijekova Tuzlanskog kantona

NK-355

#### Član 1.

Ovom Odlukom utvrđuje se Pozitivna lista lijekova Tuzlanskog kantona (u daljem tekstu: Pozitivna lista lijekova) koja sadrži lijekove koji se mogu propisivati i izdavati na teret sredstava Zavoda zdravstvenog osiguranja Tuzlanskog kantona (u daljem tekstu: Zavod).

#### Član 2.

Pozitivna lista lijekova iz člana 1. ove Odluke, sastavni je dio ove Odluke i čine je dvije liste i to:

- A lista lijekova – lijekovi sa učešćem Zavoda u cijeni lijeka od 100 %, odnosno lijekovi za koje nije moguće utvrđivati učešće osiguranika u nabavci lijeka;
- B lista lijekova – lijekovi sa učešćem Zavoda u procentualnom iznosu određenom odlukom vlade kantona, saglasno finansijskim mogućnostima kantona.

#### Član 3.

Pozitivna lista lijekova pored podataka iz Liste lijekova obaveznog zdravstvenog osiguranja sadrži i sljedeće podatke o lijekovima:

- a) Redni broj;
- b) Šifra lijeka anatomsko-terapijsko-hemijska klasifikacija –ATC;
- c) Internacionalno nezaštićeno ime lijeka – INN;
- d) Zaštićeno ime lijeka;
- e) Naziv proizvođača lijeka;
- f) Farmaceutski oblik lijeka;
- g) Jačinu lijeka;
- h) Originalno pakovanje lijeka;
- i) Cijenu bez PDV-a;
- j) Režim propisivanja i izdavanja lijeka;
- k) Maksimalnu dnevnu dozu;
- l) Medicinske indikacije;
- m) Smjernice za propisivanje.

#### Član 4.

Za propisivanje i izdavanje lijekova iz člana 2. ove Odluke primjenjivati će se odredbe Pravilnika o uslovima za propisivanje i izdavanje lijekova u prometu na malo.

#### Član 5.

Izmjene i dopune ove Odluke, odnosno Pozitivne liste lijekova, vrše se na način i po postupku kako su doneseni.

#### Član 6.

Danom primjene ove Odluke prestaje se primjenjivati Odluka o Pozitivnoj listi lijekova Tuzlanskog kantona („Službene novine Tuzlanskog kantona“, br. 11/23 i 13/23).

#### Član 7.

Ova Odluka stupa na snagu danom donošenja, a primjenjivat će se od 13.05.2024. godine.

#### Član 8.

Ova Odluka objavit će se u „Službenim novinama Tuzlanskog kantona“.

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**V L A D A**



**PREMIJER KANTONA**

**Irfan Halilagić**

Broj: 02/1-33-2615-2/24